

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZENICA
GRADSKO VIJEĆE**

Broj: 01- 45-26 216 /22

**ZAPISNIK
SA DVADESETSEDME SJEDNICE
GRADSKOG VIJEĆA ZENICA
održane 15. DECEMBRA 2022. godine

decembar, 2022. godine

ZAPISNIK SA 27. SJEDNICE GRADSKOG VIJEĆA ZENICA ODRŽANE 15.12.2022. GODINE

Sjednica je počela s radom u 10.15 sati.

Sjednicom je predsjedavao Mirza Husetić, predsjedavajući Gradskog vijeća Zenica.

Nakon uvodnih pozdrava predsjedavajući Vijeća je konstatovao da sjednici prisustvuje 25 vijećnika, te da Vijeće može punovažno odlučivati. Kašnjenje na sjednicu najavio je vijećnik Faruk Hodžić.

Predsjedavajući Vijeća zatim je pročitao Prijedlog dnevnog reda za 27. sjednicu Vijeća kako slijedi:

1. a) **Zapisnik sa 26. sjednice Gradskog vijeća Zenica, održane 03.11.2022. godine**
b) **Zapisnik sa 7. hitne sjednice, održane 01.08.2022. godine**
c) **Zapisnik sa 6. hitne sjednice, održane 28.07.2022. godine**
d) **Zapisnik sa 5. hitne sjednice, održane 09.06.2022. godine**
2. **Prezentacija nagrađenih radova na konkursu za izradu idejnog rješenja simbola Grada Zenica u središtu kružne raskrsnice na magistralnoj cesti M-17**
IZVJESTILAC: Zvezdan Turkić, član konkursne komisije
3. a) **Prijedlog Izmjena i dopuna Budžeta Grada Zenica za 2022. godinu s obrazloženjem**
b) **Prijedlog Odluke o izmjenama Odluke o izvršavanju Budžeta Grada Zenica za 2022. godinu s obrazloženjem**
IZVJESTILAC: Fatima Vojvodić, pomoćnica Gradonačelnika za finansije
4. **Izveštaj o izvršenju Budžeta Grada Zenica za period I-IX 2022. godine**
IZVJESTILAC: Fatima Vojvodić, pomoćnica Gradonačelnika za finansije
5. a) **Prijedlog Odluke o usvajanju Regulacionog plana "Poslovno-rekreativno-turistička zona Zenica-Jug"**
b) **Prijedlog Odluke o provođenju Regulacionog plana "Poslovno-rekreativno-turistička zona Zenica-Jug"**
IZVJESTILAC: Lejla Brljevac, direktorica JP za prostorno planiranje i uređenje grada „Zenica“ d.o.o. Zenica i Emilija Pašalić, v.d. pomoćnice Gradonačelnika za urbanizam
6. **Prijedlog Odluke o utvrđivanju javnog interesa uređenja korita rijeke Bosne na lokalitetu poslovne zone Banlozi**
IZVJESTILAC: Emir Delić, pomoćnik Gradonačelnika za imovinsko-pravne, geodetske poslove i katastar nekretnina
7. **Prijedlog Rješenja o izmjeni Rješenja o imenovanju Komisije za davanje stručne ocjene**
IZVJESTILAC: Emilija Pašalić, v.d. pomoćnice Gradonačelnika za urbanizam
8. **Prijedlog Zaključka o davanju saglasnosti Društvu „Babić-Bisstours“ d.o.o. Zenica na izvedenu dogradnju poslovnog objekta u k.o. Zenica I**
IZVJESTILAC: Emir Delić, pomoćnik Gradonačelnika za imovinsko-pravne, geodetske poslove i katastar nekretnina
9. **Prijedlog Zaključka o davanju saglasnosti društvu „Orijent“ d.o.o. Zenica na lokaciju objekta na međi i služnost puta u KO Pojske**
IZVJESTILAC: Emir Delić, pomoćnik Gradonačelnika za imovinsko-pravne, geodetske poslove i katastar nekretnina

10. Izvještaj o provedenom postupku po prijavi za povredu Etičkog kodeksa

PREDLAGAČ: Etička komisija

IZVJESTILAC: Senad Alispahić, predsjednik Etičke komisije

Obrazložene prijedloge za dopunu prijedloga dnevnog reda podnijeli su vijećnici Nermin Mehić i Osman Šuvalić. Zahtjev Gradonačelnika za davanje saglasnosti na Sporazum o uređenju međusobnih odnosa u vezi sa realizacijom projekta Vodovod „Pridražići“ MZ „Banlozi“ uvršten je u Prijedlog Dnevnog reda kao tačka broj 10. Predsjedavajući Vijeća je konstatovao da će se Izvještaj o provedenom postupku po prijavi za povredu Etičkog kodeksa razmatrati kao posljednja tačka dnevnog reda nakon uvrštenih dopuna. Prijedlog Kluba vijećnika SDP-a za razmatranje Prijedloga Odluke o izmjenama i dopunama Odluke o građevinskom zemljištu, nakon pojašnjenja sekretara Gradskog vijeća da se isti prijedlog na današnjoj sjednici može razmatrati u formi inicijative za donošenje izmjena i dopuna predmetne odluke u skladu s odredbom člana 47. Poslovnika Gradskog vijeća, Vijeće je prihvatilo sa 21 glasom „ZA“, 1 glasom „PROTIV“ i 2 glasa „UZDRŽAN“. Prijedlozi vijećnika Osmana Šuvalića za uvrštenje Inicijative o priznavanju prava na zdravstveno osiguranje i ostvarivanje osnovne zdravstvene zaštite licima koja nisu zdravstveno osigurana po drugom osnovu na području grada Zenica, te Inicijative za ukidanje stanarine pripadnicima romske populacije nastanjenim u zgradama izgrađenim na lokalitetu Brist u sklopu projekta stambenog zbrinjavanja Roma, prihvaćeni su jednoglasno sa 26 glasova „ZA“, bez glasova „PROTIV“ i bez glasova „UZDRŽAN“.

Predlagač nije prihvatio prijedlog vijećnika Nermina Mehića da se sa dnevnog reda skine 8. tačka Prijedlog Zaključka o davanju saglasnosti Društvu „Babić-Bisstours“ d.o.o. Zenica na izvedenu dogradnju poslovnog objekta u k.o. Zenica I.

Napomena: Vijećnicima su pred sjednicu dostavljeni izvještaji komisija Gradskog vijeća.

Vijeće se potom izjasnilo o Prijedlogu dnevnog reda za 27. sjednicu Vijeća i sa 19 glasova „ZA“, 1 glasom „PROTIV“ i 6 glasova „UZDRŽAN“ usvojilo sljedeći

DNEVNI RED:

1. a) Zapisnik sa 26. sjednice Gradskog vijeća Zenica, održane 03.11.2022. godine
b) Zapisnik sa 7. hitne sjednice, održane 01.08.2022. godine
c) Zapisnik sa 6. hitne sjednice, održane 28.07.2022. godine
d) Zapisnik sa 5. hitne sjednice, održane 09.06.2022. godine
2. Prezentacija nagrađenih radova na konkursu za izradu idejnog rješenja simbola Grada Zenica u središtu kružne raskrsnice na magistralnoj cesti M-17
3. a) Prijedlog Izmjena i dopuna Budžeta Grada Zenica za 2022. godinu s obrazloženjem
b) Prijedlog Odluke o izmjenama Odluke o izvršavanju Budžeta Grada Zenica za 2022. godinu s obrazloženjem
4. Izvještaj o izvršenju Budžeta Grada Zenica za period I-IX 2022. godine
5. a) Prijedlog Odluke o usvajanju Regulacionog plana "Poslovno-rekreativno-turistička zona Zenica-Jug"
b) Prijedlog Odluke o provođenju Regulacionog plana "Poslovno-rekreativno-turistička zona Zenica-Jug"
6. Prijedlog Odluke o utvrđivanju javnog interesa uređenja korita rijeke Bosne na lokalitetu poslovne zone Banlozi
7. Prijedlog Rješenja o izmjeni Rješenja o imenovanju Komisije za davanje stručne ocjene
8. Prijedlog Zaključka o davanju saglasnosti Društvu „Babić-Bisstours“ d.o.o. Zenica na izvedenu dogradnju poslovnog objekta u k.o. Zenica I
9. Prijedlog Zaključka o davanju saglasnosti društvu „Orijent“ d.o.o. Zenica na lokaciju

objekta na međi i služnost puta u KO Pojske

10. Zahtjev za davanje saglasnosti na Sporazum o uređenju međusobnih odnosa u vezi sa realizacijom projekta Vodovod „Pridražići“ MZ „Banlozi“

11. Inicijativa za izmjene i dopune Odluke o građevinskom zemljištu Grada Zenica

12. Inicijativa o priznavanju prava na zdravstveno osiguranje i ostvarivanje osnovne zdravstvene zaštite licima koja nisu zdravstveno osigurana po drugom osnovu na području grada Zenica

13. Inicijativa za ukidanje stanarine pripadnicima romske populacije nastanjenim u zgradama izgrađenim na lokalitetu Brist u sklopu projekta stambenog zbrinjavanja Roma

14. Izvještaj o provedenom postupku po prijavi za povredu Etičkog kodeksa

Prije prelaska na raspravu o tačkama dnevnog reda Vijeću su se obratili predstavnici Udruženja veterana BH rata i odbrane bosanske časti Zenica, koji su vijećnicima predstavili projekat izgradnje jarbola sa zastavom Bosne i Hercegovine na lokalitetu Gradišće.

Tačka 1. a) Zapisnik sa 26. sjednice Gradskog vijeća Zenica, održane 03.11.2022. godine
b) Zapisnik sa 7. hitne sjednice, održane 01.08.2022. godine
c) Zapisnik sa 6. hitne sjednice, održane 28.07.2022. godine
d) Zapisnik sa 5. hitne sjednice, održane 09.06.2022. godine

Zapisnike sa 26. redovne, te 7., 6. i 5. hitne sjednice Gradskog vijeća Zenica Vijeće je usvojilo bez rasprave s 19 glasova „ZA“, 1 glasom „PROTIV“ i 2 glasa „UZDRŽAN“.

Tačka 2. Presentacija nagrađenih radova na konkursu za izradu idejnog rješenja simbola Grada Zenica u središtu kružne raskrsnice na magistralnoj cesti M-17

Uvodne napomene za ovu tačku dnevnog reda dao je Zvezdan Turkić u svojstvu člana konkursne komisije. Nakon uvodnih napomena, Miran Kuduzović, autor prvonagrađenog idejnog rješenja simbola Grada Zenica u središtu kružne raskrsnice na magistralnoj cesti M-17, vijećnicima je predstavio navedeno idejno rješenje. Vijeću su se, također, obratili Fuad Kasumović, gradonačelnik Grada Zenica, te Muhamed Bajramović, profesor likovne umjetnosti i autor drugonagrađenog idejnog rješenja na predmetnom konkursu.

Tačka 3. a) Prijedlog Izmjena i dopuna Budžeta Grada Zenica za 2022. godinu s obrazloženjem
b) Prijedlog Odluke o izmjenama Odluke o izvršavanju Budžeta Grada Zenica za 2022. godinu s obrazloženjem

Uvodne napomene za ovu tačku dnevnog reda dala je Fatima Vojvodić, pomoćnica Gradonačelnika za finansije.

U raspravi niko nije učestvovao.

Predsjedavajući Vijeća Mirza Husetić je na traženje Kluba vijećnika SDP-a dao pauzu u 11.13 sati, pa je sjednica nastavila s radom u 11.24 sati.

Nakon pauze, predsjedavajući Vijeća je zatražio od Kluba vijećnika SDP-a da se izjasne ostaju li pri uloženom amandmanu na Prijedlog izmjena i dopuna Budžeta Grada Zenica za 2022. godinu. Klub vijećnika SDP je odustao od uloženog amandmana.

Predsjedavajući Vijeća Mirza Husetić je zatim zatražio da se Vijeće izjasni o tački dnevnog reda, nakon čega je konstatovao da se sa 17 glasova „ZA“, 5 glasova PROTIV“ i 2 glasa „UZDRŽAN“ usvaja Prijedlog Izmjena i dopuna Budžeta Grada Zenica za 2022. godinu s Prijedlogom Odluke o izmjenama Odluke o izvršavanju Budžeta Grada Zenica za 2022. godinu.

Tačka 4. Izvještaj o izvršenju Budžeta Grada Zenica za period I-IX 2022. godine

Nije bilo potrebe za uvodnim napomenama. U raspravi o ovoj tački dnevnog reda niko nije učestvovao. Vijeće se izjasnilo glasanjem o Izvješčaju o izvršenju Budžeta Grada Zenica za period I-IX 2022. godine i isti usvojilo sa 17 glasova „ZA“, 4 glasa „PROTIV“ i 3 glasa „UZDRŽAN“.

Tačka 5. a) Prijedlog Odluke o usvajanju Regulacionog plana "Poslovno-rekreativno-turistička zona Zenica-Jug"

b) Prijedlog Odluke o provođenju Regulacionog plana "Poslovno-rekreativno-turistička zona Zenica-Jug"

Uvodne napomene dala je Emilija Pašalić, v.d. pomoćnice Gradonačelnika za urbanizam. Gradonačelnik je, također, dao određene napomene u vezi s tačkom dnevnog reda, te Vijeću predložio donošenje zaključka o upućivanju zahtjeva kompaniji ArcelorMittal za isporuku toplinske energije. Nakon uvodnih napomena, Lejla Brljevac, direktorica JP za prostorno planiranje i uređenje grada „Zenica“ d.o.o. Zenica prezentovala je Prijedlog Regulacionog plana "Poslovno-rekreativno-turistička zona Zenica-Jug".

U raspravi o ovoj tački dnevnog reda učestvovali su vijećnici: Nermin Mehić, Almir Babajić i Sanjin Aldobašić. U raspravi su učestvovala Lejla Brljevac i Emilija Pašalić, dajući odgovore na postavljena pitanja vijećnika učesnika u raspravi.

Po zaključenju rasprave Vijeće se izjasnilo glasanjem o Prijedlogu Odluke o usvajanju Regulacionog plana "Poslovno-rekreativno-turistička zona Zenica-Jug" i Prijedlogu Odluke o provođenju Regulacionog plana "Poslovno-rekreativno-turistička zona Zenica-Jug" i iste usvojilo sa 18 glasova „ZA“, bez glasova „PROTIV“ i 8 glasova „UZDRŽAN“.

Tačka 6. Prijedlog Odluke o utvrđivanju javnog interesa uređenja korita rijeke Bosne na lokalitetu poslovne zone Banlozi

Uvodne napomene dao je Emir Delić, pomoćnik Gradonačelnika za imovinsko-pravne, geodetske poslove i katastar nekretnina.

U raspravi niko nije učestvovao.

Vijeće se izjasnilo glasanjem o Prijedlogu Odluke o utvrđivanju javnog interesa uređenja korita rijeke Bosne na lokalitetu poslovne zone Banlozi i isti usvojilo sa 20 glasova „ZA“, bez glasova „PROTIV“ i sa 5 glasova „UZDRŽAN“.

Tačka 7. Prijedlog Rješenja o izmjeni Rješenja o imenovanju Komisije za davanje stručne ocjene

Nije bilo potrebe za uvodnim napomenama.

U raspravi o ovoj tački dnevnog reda niko nije učestvovao.

Vijeće se izjasnilo glasanjem o Prijedlogu Rješenja o izmjeni Rješenja o imenovanju Komisije za davanje stručne ocjene i isti usvojilo sa 18 glasova „ZA“, 1 glasom „PROTIV“ i 4 glasa „UZDRŽAN“.

Nakon tačke 7. predsjedavajući Vijeća Mirza Husetić dao je u 12.34 sati pauzu u trajanju od sat vremena, pa je sjednica nastavila s radom u 13.46 sati.

Tačka 8. Prijedlog Zaključka o davanju saglasnosti Društvu „Babić-Bisstours“ d.o.o. Zenica na izvedenu dogradnju poslovnog objekta u k.o. Zenica I

Uvodne napomene dao je Emir Delić, pomoćnik Gradonačelnika za imovinsko-pravne, geodetske poslove i katastar nekretnina.

U raspravi o ovoj tački dnevnog reda učestvovali su vijećnici: Nermin Mehić i Denan Pašalić. Zlatko Osmanović, gradski pravobranilac učestvovao je u raspravi dajući pojašnjenje u vezi s dostavljenim mišljenjem Gradskog pravobranilaštva.

Po zaključenju rasprave, vijećnici su se glasanjem izjasnili o Prijedlogu Zaključka o davanju saglasnosti Društvu „Babić-Bisstours“ d.o.o. Zenica na izvedenu dogradnju poslovnog objekta u k.o. Zenica I i isti nisu usvojili sa 8 glasova „ZA“, 4 glasa „PROTIV“ i 14 glasova „UZDRŽAN“.

Tačka 9. Prijedlog Zaključka o davanju saglasnosti društvu „Orijent“ d.o.o. Zenica na lokaciju

objekta na međi i služnost puta u KO Pojske

Uvodne napomene dao je Emir Delić, pomoćnik Gradonačelnika za imovinsko-pravne, geodetske poslove i katastar nekretnina.

Na traženje Kluba vijećnika SDP-a predsjedavajući Vijeća Mirza Husetić je u 14.04 sati dao pauzu u trajanju od 10 minuta, pa je sjednica nastavila s radom u 14.16 sati.

U raspravi o ovoj tački dnevnog reda učestvovali su vijećnici: Denan Pašalić, Nermin Mehić, Malik Ejubović, Elmin Šabanović i Semir Huseinović. U raspravi su učestvovali Selver Keleštura, sekretar Gradskog vijeća i Emir Delić, pomoćnik Gradonačelnika za imovinsko-pravne, geodetske poslove i katastar nekretnina dajući određena pojašnjenja.

U toku rasprave je, pored ostalog, na zahtjev vijećnika Nermina Mehića pročitao Zapisnik Komisije za prostorno planiranje i ekologiju i konstatovano da je Komisija predložila Vijeću razmatranje, a ne i usvajanje predmetne tačke, kako je to navedeno u izvještaju Komisije koji je dostavljen pred sjednicu.

Po zaključenju rasprave, vijećnici su se glasanjem izjasnili o Prijedlogu Zaključka o davanju saglasnosti društvu „Orijent“ d.o.o. Zenica na lokaciju objekta na međi i služnost puta u KO Pojske i isti nisu usvojili s 15 glasova „ZA“, 2 glasa „PROTIV“ i 8 glasova „UZDRŽAN“.

Tačka 10. Zahtjev za davanje saglasnosti na Sporazum o uređenju međusobnih odnosa u vezi sa realizacijom projekta Vodovod „Pridražići“ MZ „Banlozi“

Nije bilo potrebe za uvodnim napomenama.

U diskusiji o ovoj tački dnevnog reda učestvovali su vijećnik Elvir Purić i Selver Keleštura, sekretar Gradskog vijeća po ovlaštenju.

Po zaključenju rasprave, Vijeće se izjasnilo glasanjem o ovoj tački dnevnog reda i sa 25 glasova „ZA“, bez glasova „PROTIV“ i bez glasova „UZDRŽAN“ dalo saglasnost na Sporazum o uređenju međusobnih odnosa u vezi sa realizacijom projekta Vodovod „Pridražići“ MZ „Banlozi“.

Tačka 11. Inicijativa za donošenje izmjena i dopuna Odluke o građevinskom zemljištu Grada Zenica

Uvodne napomene za ovu tačku dnevnog reda dao je vijećnik Almir Babajić u svojstvu predlagача Odluke o izmjenama i dopunama Odluke o građevinskom zemljištu Grada Zenica.

U raspravi niko nije učestvovao.

Prije izjašnjavanja o tački dnevnog reda predsjedavajući Vijeća stavio je na glasanje prijedlog zaključka Gradonačelnika koji glasi:

I - Gradsko vijeće Zenica zahtijeva od kompanija ArcelorMittal Zenica i Toplana Zenica d.o.o. Zenica da obezbijede kontinuiranu isporuku toplinske energije JP „Grijanje“ d.o.o. u skladu sa Ugovorom o isporuci toplinske energije.

II - Zaključak stupa na snagu danom donošenja.

Vijećnici su se glasanjem izjasnili o pročitanoj prijedlogu zaključka sa 24 glasa „ZA“, bez glasova „PROTIV“ i bez glasova „UZDRŽAN“, a zatim o Inicijativi za donošenje izmjena i dopuna Odluke o građevinskom zemljištu Grada Zenica sa 24 glasa „ZA“, bez glasova „PROTIV“ i bez glasova „UZDRŽAN“.

Tačka 12. Inicijativa o priznavanju prava na zdravstveno osiguranje i ostvarivanje osnovne zdravstvene zaštite licima koja nisu zdravstveno osigurana po drugom osnovu na području grada Zenica

Nije bilo potrebe za uvodnim napomenama.

U raspravi niko nije učestvovao.

Vijeće je sa 25 glasova „ZA“, bez glasova „PROTIV“ i bez glasova „UZDRŽAN“ usvojilo Inicijativu o priznavanju prava na zdravstveno osiguranje i ostvarivanje osnovne zdravstvene zaštite licima koja nisu zdravstveno osigurana po drugom osnovu na području grada Zenica.

Tačka 13. Inicijativa za ukidanje stanarine pripadnicima romske populacije nastanjenim u zgradama izgrađenim na lokalitetu Brist u sklopu projekta stambenog zbrinjavanja Roma

Uvodne napomene dao je vijećnik Osman Šuvalić u svojstvu predlagača tačke dnevnog reda.

U raspravi niko nije učestvovao.

Vijeće je sa 24 glasa „ZA“, bez glasova „PROTIV“ i bez glasova „UZDRŽAN“ usvojilo Inicijativu za ukidanje stanarine pripadnicima romske populacije nastanjenim u zgradama izgrađenim na lokalitetu Brist u sklopu projekta stambenog zbrinjavanja Roma.

14. Izvještaj o provedenom postupku po prijavi za povredu Etičkog kodeksa

Na dijelu sjednice na kojem se raspravljalo o Izvještaju Etičke komisije o provedenom postupku po prijavi člana Vijeća protiv drugog člana Vijeća za navodnu povredu Etičkog kodeksa za izabrane zvaničnike Grada Zenica javnost je bila isključena. Uvodne napomene za ovu tačku dnevnog reda dao je Senad Alispahić, predsjednik Etičke komisije. U raspravi su učestvovali vijećnici: Denan Pašalić, Šerif Patković, Malik Ejubović, Ekrem Tuka, Namir Škaljo i Osman Šuvalić.

Po zaključenju diskusije Vijeće se izjasnilo o Prijedlogu Etičke komisije za izricanje sankcije članu Vijeća zbog navodne povrede Etičkog kodeksa sa 13 glasova „PROTIV“, 8 glasova „UZDRŽAN“ i bez glasova „ZA“.

27. sjednica Gradskog vijeća Zenica zaključena je i završila s radom u 15.50 sati.

Sastavni dio ovog zapisnika je audiozapis, pohranjen u Stručnoj službi Gradskog vijeća, na osnovu kojeg se može ostvariti uvid u diskusije sa sjednice Vijeća.


PREDSJEDAVAJUĆI
GRADSKOG VIJEĆA
Mirza Husetić